



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Reuocatio Priuilegiorum, consuetudinum, & statutorum præstandi, seu
recipiendi fructus, distributiones, seu dulciaria.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Reuocatio Priuilegiorum, consuetudinum, & statutorum præstandi, seu recipiendi fructus, distributiones, seu dulciaria.

PIVS Episcopus, seruus seruorum Dei,
ad perpetuam rei memoriam.



Vrum nimis, & incommodum arbitramur, quòd Ecclesiarum ministri in ijs, quæ ad ipsorum sustentationem suppeditant, dispendia patiantur. Quocirca cum hanc ad rem, simulque prohibendam ab Ecclesia Dei auaritiæ prauitatem, editas ante hac sanctiones minimè satis esse intelligimus, nouæ constitutionis subsidio cogimur providere. Cum itaque aliàs ex plurium Ecclesiarum Cathedralium, & Collegiatarum Constitutionibus, aut ex praua consuetudine obseruari intelligeretur, vt in electione, præsentatione, nominatione, institutione, confirmatione, collatione, vel alia prouisione, siue admissione ad possessionem alicuius Cathedralis Ecclesiæ, vel Beneficij, Canonicatum, aut præbendarum, vel partem prouentuum, seu ad distributiones quotidianas certæ conditiones, seu deductiones ex fructibus, solutiones, promissiones, compensationes uel illicitæ, aut etiam quæ in aliquibus Ecclesijs dicuntur tuorum lucra interponerentur, licet sancta Synodus Tridentina hæc detestata mandauerit Episcopis, vt quæcumque huiusmodi, quæ in vsus pios non conuerterentur, atque ingressus eos, qui symonia cæcibus, aut sordidæ auaritiæ suspicionem haberent, fieri non permitterent, ipsique diligenter de eorum constitutionibus, siue consuetudinibus super prædictis cognoscerent, & illis tantum, quas probarent exceptis, reliquas vt prauas, & scandalosas rejicerent; eos verò, qui aduersus prædicta quauis ratione commississent, pœnis contra symoniacos editis teneri decreuerit: multorum tamen indomita cupiditate, tam prædicta, quam alia ad beneficium, & commodum ipsorum ministrorum edita, aut omninò contemnuntur, aut in varios sensus tradducta perperam eluduntur. Quare nos pro diuini culus exercitio, simulque euocatorum ad illum auxilio plenius, euidentiusque consulendum fore, rati, reuocamus, & abolemus omnia, & quæcumque priuilegia, consuetudines, & statuta quarumcunque Ecclesiarum Cathedralium, & Metropolitanarum, ac maiorum, necnon Collegiatarum, etiam iuramento confirmatione Apostolica, aut alio quouis præsidio munita, ac etiam supra hominum memoriam, & longissimo, ac

Lll 3 quan-

quantumcumque tempore etiam continuo obseruata, siue pro perfoluendis Ecclesiarum, uel Prælatorum debitis, siue pro supportandis illorum oneribus, siue alijs etiam maioribus, maximis, & uigentissimis causis concessa, & approbata, ac etiam multiplicatis vicibus innouata, extensa, & moderata, quod vacantibus ipsarum Ecclesiarum dignitatibus, Canonicatibus, præbendis, portionibus, beneficijs, & officijs, fructus, ac etiam quotidianæ distributiones ex eis primo ab ipsa uacatione Anno, aut longiore, uel etiam breuiore tempore prouenturi, mense Episcopali, seu capitulari, aliouè loco integrè, uel partim remaneant, seu applicentur, aut in communes usus cedant, seu inter alios Canonicos, & personas Ecclesiæ, seu capituli diuidantur. Quodque nullus etiam Apostolica auctoritate prouisus in Canonicum recipi, aut ad dignitatem, seu portionem, beneficium, uel officium admitti, uel aliàs in eius possessionem induci possit, nisi prius de obseruandis huiusmodi priuilegijs, consuetudinibus, & statutis iuramentum præstiterit, & obtentæ illorum derogationi, ac fructuum, & distributionum perceptioni renunciauerit, seu capitulo, & personis prædictis cesserit, seu (ut appellant) dulciaria, aut quid aliud præstiterit. Quorum omnium tenores, causas, & effectus habemus præsentibus pro expressis, quibuscumque illa concepta sint formulis, necnon irritantibus, & alijs decretis roborata: Volentes ea omnia uires, & effectum de cætero non habere. Præcipimus igitur, & interdiciamus omnibus Episcopis, Capitulis, Collegijs, & personis, ad quos id pertinet, ne post hac fructus, aut distributiones huiusmodi, nec prorsus ullam eorum partem retineant, neue ipsorum cessionem, uel renunciationem, aut dulciaria, uel alia quomodocumque petant, uel exigant, aut quemquam siue ordinaria, siue Apostolica auctoritate prouisum, ad præstandum huiusmodi iuramentum inducant, aut illi prædicta non facienti possessionem impediunt, uel remorentur. Quicumque contrafecerint, si Ecclesiarum Antistes, tam diu à Pontificali officij exercitio sint suspensi, donec satisfactione prauia illis per sedem Apostolicam suspensio relaxatur: capitula uerò, & collegia quæcumque Ecclesiastico subiaceant interdicto, ac singulares personæ in excommunicationis sententiam incurrant, à qua, nisi in mortis articulo constituti, ab alio, quàm à Romano Pontifice absolutionis beneficium nequeant obtinere. Decernentes huiusmodi præstita iuramenta non tenere, nec quemquam illis obligari, quin imo iurantes in huiusmodi censuram incidere, necnon irritum, & inane quicquid secus super his per quoscumque scienter, uel ignoranter contigerit attentari. Et nihilominus statuimus, ut ubicumque huiusmodi fructus, & distributiones fabricæ, uel sacristiæ, aut alterius pij loci uisibus ultra semestre

ite tempus reperiuntur concessi, horum dumtaxat dimidia pars ipsi
 sacristia, vel fabrica, aut pio loco deinceps tribuatur, alteram verò be-
 neficiati prædicti integrè percipiant. Non obstantibus constitutioni-
 bus, & ordinationibus Apostolicis contrarijs quibuscumque, aut si ali-
 quibus communiter, vel diuisim ab Apostolica sit sede indultum, quòd
 interdici, suspendi, vel excommunicari non possint per litteras Apo-
 stolicas non facientes plenam, & expressam, ac de verbo ad verbum de
 indulto huiusmodi mentionem, Decreto prædictæ Synodi, ac etiam
 constitutionis felicis recordationis Ioannis Papæ XXI. quæ incipit,
 Salscepti, & alijs iuribus hac de re disponentibus nihilominus aliàs in
 suo robore duraturis. Cæterum per prædicta non intendimus illis
 præiudicare capitulis, collegijs, mensis, aut personis, fructus, & distri-
 butiones inter vacationem beneficiorum, & eorum collationem, siue
 possessionis apprehensionem prouenientes ex statuto, consuetudine,
 vel priuilegio huiusmodi percipientibus, vel retinentibus, quominus
 ipsi illos interim, vt antea, exigere valeant, & habere. Postremo volu-
 mus, vt præsentium exempla etiam impressa, Notarij publici manu &
 Prælati Ecclesiastici, eiusuè curiæ sigillo obsignata eandem illam pror-
 sus fidem vbique locorum in iudicio, & extra illud faciant, quam face-
 rent ipsamet præsentibus si essent exhibitæ, vel ostensæ. Nulli ergo: om-
 nino hominum liceat hanc paginam nostræ reuocationis, abolitionis,
 præcepti, interdicti, decreti statuti, intentionis, & voluntatis infringere,
 vel ei ausu temerario contraire. Si quis autem hoc attentare præ-
 sumperit, indignationem Omnipotentis Dei, ac beatorum Petri, & Pau-
 li Apostolorum eius, se nouerit incursum. Dat. Romæ apud San-
 ctum Petrum, Anno Incarnationis Dominicæ millesimo quingente-
 simo septuagesimo, pridie Kal. Iunij. Pontificatus nostri anno quinto.

S. D. N. D. Pij Papæ V. noua constitutio, de confiden-
 tijs beneficialibus, earumq; casibus, præsumptionibus,
 & probationibus, cum relaxatione cognitionis cau-
 sarum, præterquam pendentium. Itemque
 futurarum, de collatoribus Episcopis, &
 superioribus, beneficijsque Con-
 sistorialibus.

PIVS Episcopus, seruus seruorum Dei, ad perpetuam rei memoriam.

Intolerabilis multorum perversitas, qui sacrosanctas constitutiones
 nouis quotidie fraudibus eludere nituntur, sæpe illarum authores in
 necessitatem adducit cautius prouidendi, quo pertinaciam animi ab